



Minggu, 28 Juli 2024
Ogen: Kuan-kuanen 21:20



Kalak Pentar Tetap Bayak



Kalak pentar ras kalak bodoh tetap jadi dua kecibal manusia i bas kegeluhen enda. Jadi, kalak pentar ras kalak bodoh lalap lit proses erlajar i bas ndalani kegeluhen. Alu erlajar kalak banci jadi pentar tapi mekisasi erlajar ras mekeng pasti ndabuh me ia ku bas kelenglengen si la teralang. Jadi pentar ntah motu enda mbelin kal pengkenaina, la saja ku bas sikap kegeluhenna, carana rukur tapi pe seh ku bas carana ncari ras makeken kiniliten.

Penulis kitab kuan-kuanen enda ngidah maka kalak pentar tetap bayak dingen nggeluh i bas kemewahen. Ngkai maka bagenda iturikenna? Erkiteken kalak pentar ngasup ndahiken dahin, makeken ras ngaturken ulih siidatna alu payo. Beluh ia nerapken ras muniken kai si lit i bas ia, makekenca i bas paksana. E maka kebayakenna ratur, seimbang bage pe tertata alu mehuli. Bage pe terdauchen beluh ia njilekenca, janah metunggung kin ia makekenca. Sabap sembabakin kai si iukurkenna, si idahikenna, ipakekenna. Bage kepe dahin ras perbahanen kalak pentar, beluh ia ngaturken ras makeken kerinana alu payo.

I bas dampar sideban kegeluhen kalak motu ndauh petembil ras kalak pentar enda ndai, ikatakenna maka kalak motu enda, asakai ialokenna duit e ase ka ikerikenna. Jadi la lit tinadingna, la lit simpanen e maka katawari paksa pe kekurangan me ia lalap. Banci ka rutang ras terdaya si nasa lit. Bage kepe adi la pentar ncari, muniken ras makekenca.

Perlu kal erlajar, metenget ras megermet kerna kegeluhen enda. Gelah pentar kita i bas rukur ras ngaturken pasu-pasu Dibata i bas kegeluhenta. Seh maka bayak kita i bas pemeteh, erta ras kekelengen. Sabap erta ras si lit i bas kita banci sipakeken guna nampati ras kiniulin kalak sideban. Epe bagin kepentaren nge.

☞ *Jadilah bayak i bas kerina si mehuli*